

安陸府志卷之六

學校志

郡邑各類

學校之設本以造士士宜何先一日尚志卑者可高難者可易無怠無荒聖賢斯至志學校

安陸府

府儒學宋郢州學在城東南二里石龜頭其後漢水衝齧乃徙而北距舊址三百步元安陸府學因之明洪武八年改府爲州卽鎮遠樓爲安陸州學十五年始還故址先師廟在明倫堂之右齋曰志道曰正誼

安陸府志

卷六

一

曰達材明年廟學火二十三年曹公李文忠新創之景泰中知州顧震天順初知州趙熙相繼修成化中知州俞蓋復闢廣盈倉址爲射圃成化末提學副使薛綱僉事高繡隘其規復增修之弘治五年學正林啓又作後堂講堂弘治八年興獻王詣文廟行釋奠禮見殿宇傾圯重加修葺易樞星門以綠琉璃瓦正德十二年知州王槐又作名宦鄉賢祠十三年廟廡俱圯興獻王給銀四百兩修理嘉靖十年陞爲府學廣盈倉改爲鍾祥縣治射圃亦廢入縣基十二年以

鍾祥縣附承天府學二十年知府吳惺又作號房六十間廚房五間於櫺星門左三十年巡撫屠大山巡按胡宗憲奏請重修凡廟殿門廡悉加崇飾萬曆二十六年知府常裕重修二十九年知府孫文龍關修雲路門內東偏爲宰牲亭西偏爲致齋所中爲泮池宋玉井在焉戟門左爲名宦祠右爲鄉賢祠敬一亭在名宦祠之左後殿建御製碑亭旁夾室爲藏書祭器二庫碑亭後及左右爲學宮公署東爲明倫堂後爲講堂前設坊一座中扁義路禮門左右石刻忠孝節義四大字爲紫陽朱先生書東西兩廂爲諸生號舍又前爲學門知府孫文龍加屏牆於外萬曆四十四年分守道高第知府李養蒙建魁星樓於儀門外左建尊經閣於正殿後崇禎十六年流賊據郢文廟東廡戟門俱燬

國朝順治四年知府李文芳捐修十二年知府李起元復修十八年知府馬逢臯同知林文學推官黃尊光知縣李彥珽皆修舊有題名坊又地康熙四年知府張尊德推官史颺廷知縣程起鵬重建

先師廟間五東廡西廡各十戟門三洋池在戟門前櫺

星門三座祭器庫三神厨五尊經閣三敬一亭三更永亭三

啟聖祠三名宦祠三鄉賢祠三省牲亭三

宋玉井亭一石牌坊一木牌坊一

明倫堂五間萬曆丙辰年守道高第於堂左右勒天地綱常古今名教二石儀門坊一

中扁義路禮門左右石刻忠孝大門三屏牆一魁星

樓一東西兩廂號房六十教諭宅一倫堂後訓導宅

二所一在正殿西一在啟聖祠後

射圃舊在學宮東久廢

安陸府志 **卷六** **三**

濂溪書院在城東七里文昌書院在子胥甘棠書院

在二南關外書籍四書大全五經大全性理大全五倫全

社學一在南門外一在山川壇右俱廢

學田絕荒一處見存四處一在葉家河

原額田一千六百三十二畝九分一釐四毫四絲

四分實熟田七十一畝一分三釐一毫六絲

京山縣儒學在縣治西宋崇慶中知縣劉幹建於角

陵驛遺址元至正間縣尹賈泰亭以兩廡從祀未備

於荆門州學得從祀畫像乃改塑之而廡隘不可盡容至元六年縣尹泰伯顏不花與教諭周德孫議增廡四楹又增塑左丘明以下三十二人像其後燬於兵明洪武五年知縣劉桓改於縣治之西今學宮中是也為大成殿十四年知縣李文秉建景泰六年參政曾蒙簡嫌其狹小屬知縣張益撤而宏之天順六年知州趙熙教諭陳洪始訖其事正德中稍為居民所侵學生謝詔等復之嘉靖十二年御史胡東臯行縣睹諸像戴笠風日中屬知縣費願教諭蕭濬重建三十

安陸府志

卷六

四

八年縣丞俞松三十九年知縣張鉉相繼修自此凡百餘年殿宇傾頽已久神主露立崇禎十年邑人太僕寺卿劉蘭重修

先師廟東西為兩廡十八間為神庫神厨各二前為戟

門門之外為泮池周迴百步有石橋正統十四年提學韓揚造又前為櫺

星門舊以木知縣費願易以石前有屏廣四丈高二丈有坊曰聚奎崇禎十三

年修易以左為儒學門舊在左偏萬曆三十八年改右偏順治十五年仍改左

聖域賢關門內有文昌閣崇禎七年邑人劉蘭建

明倫堂洪武五年知縣劉桓建東西為齋日博文曰後為莊敬約禮今廢

堂今廢殿之左為敬一亭

知縣費願建今廢

後為啟聖祠

今廢左

右為名宦祠鄉賢祠

今並廢

殿之右為射圃

今廢

後為教

諭宅左右為訓導宅

俱廢順治十四年教諭閔言重修

學田二處

一在寶香村嘉靖三十五年邑太學生楊馮置田三頃有奇一在縣南鄭家畝順

治十八年邑人御史鄭友玄置田七十一石

潛江縣儒學在縣治東元世祖時隨縣遷建延祐間

知縣阮伯顏建立殿廡堂階教諭李惟中有記明洪

武元年知縣史純一創立學門廨宇景泰三年荆門

府推官符節天順八年知縣呂文修弘治十三年知

安陸府志

卷六

五

縣史華重修嘉靖初詔改大成殿為先師殿增敬一

亭啟聖祠知縣夏泗移置稍前然東瀕潛水水溢堂

舍俱圯六年知縣蕭廷達築堤以障令民廬其上徵

稅為諸生燈膏之需萬曆七年知縣朱熙洽重修十

一年水圯知縣王建中曹珩相繼修

以上俱舊志所載今無攷

先師廟東西為廡各七

知縣胡璘建

廡北各為神厨神庫

南各為庫房前中為戟門為內泮池

知縣朱熙洽加石甃

池東

為致齋所

知縣潘之祥修

外為櫺星門

嘉靖門教授周宸易以石柱

門外

為屏屏外為大洋池

知縣曹珩重修石欄周迴百丈

明倫堂

舊為三間隆慶六年知縣梁棟左右各增一間

東西為齋

東曰存心西曰養性

嘉靖間改曰崇正道廸正學

西南為會饌堂後改

為祠

東為名宦祠

鄉賢祠

萬曆元年李之修建

東齋南為道義門門外有魁字墻

萬曆七年知縣朱熙洽立

又南為學門

東西夾櫺星門

門內東西號房各

五間

今廢

東舍前為射圃

今廢

敬一亭

在明倫堂後

後為啟聖

祠又後為教諭宅東西各為訓導宅

以上俱舊志所載今無攷

社學

一在縣西河街一在縣關王廟前今俱廢

學田

隆慶三年知縣梁棟置田三十畝坐落紅花垵萬曆二十八年知縣潘之祥又廣田二十三畝

坐落邊江垵

安陸府志

卷六

六

石橋書院

今廢

同仁書院

在城隍廟街

沔陽州儒學舊係沔陽府在城西南元季燬於兵遂

遷東北明洪武九年改為州學明年知州金德增修

宣德以來知州李震鄒烜鍾順相繼修成化九年知

州呂文復修其後知州孫衍彭萬里皆修至正德十

年知州徐咸以其敝隘撤而新之十一年知州李濂

嘉靖五年按察副使劉士元十一年知州曾儲俱修

二十八年知州王輔修三十七年知州袁福徵修萬

曆十年知州史自上重修二十四年知州許亨魁修

崇禎十四年重修

先師廟兩翼為東廡西廡為神厨

在東廡旁

神庫

宰牲

房

在東廡地今廢

前為戟門門之前為泮池

池東有片香亭今廢

為橋

又前為櫺星門

嘉靖辛卯更日先師廟門

啟聖祠

在敬亭後

順治十

二年學正黃爾鼎修敬一亭

在明倫堂後知州諸奉詔建

戟門左

為各宦祠右為鄉賢祠

明倫堂東為興詩齋

舊曰率性

西曰立禮齋

舊曰修道

為成樂

齋

舊曰立教崇禎二年裁一

東為饌堂

今廢

堂後為茂林門

學正王鑿建築

堤其後植柳數百株今蔚然成林

為瑞蓮池

即易炳文故居

為齋宿所

知州儲建

安陸府志

卷六

七

東西各一舊在廡下

儀門內之東為射圃

崇禎間改擴於西廡後

為學

正宅訓導宅二

一在學正宅後一在明倫堂西崇禎己卯改於學正宅前

東廡後

為徑坊曰義路禮門東為書舍

凡三楹

為魁星樓

在學門東

前為儀門又前為學門

社學四

城二在鄉二俱廢

義學一

正德十三年知州李濂割預備倉地創立今廢

景陵縣儒學舊在縣治西南隅洪武三年因故址建

正統後知縣顧行姜縮周瑞李東教諭翁美先後重

修嘉靖間徙置北門外清河橋北中為先師廟後為

明倫堂左右齋曰率性曰存誠射圃在學宮西慶野
臺書院在城東門內社學在各村

荆門州儒學在平泰門內洪武二年知州戴昌因元
故址建之成化初知州俞誥易櫺星門以石成化中
知州陰子淑作泮池石橋知州楊琇立泮池坊萬曆
十六年推官鄧美攸創建南門外新墉數仞又建閣
於前為文昌門崇禎十六年齋廡祠亭俱燬於賊惟
正廟僅存

先師廟東西為兩廡今燬前為戟門門前為泮池為
安陸府志

卷六

八

橋又前為櫺星門

順治三年知州薛繼巖修

先聖祠

教官田一續同邑人賀蓮

清修康熙二年火

名宦祠鄉賢祠

今廢

明倫堂

順治十三年邑人劉延禧修

堂前東西齋

日養正日養賢今廢

射圃 學正宅

儒學門

州志未載

東山書院

二孫狀元讀書處見古蹟

象山書院

在蒙泉南順治十五年知州薛繼巖重修

當陽縣儒學在縣治西舊在玉陽山宋以前無考元

儒學記云知縣張彥文創建至元中知縣王元賓趙
珪修元末兵燹明洪武初知縣初守道改遷方城洪

武中知縣魏忠復還故址嘉靖二十五年知縣侯加
祥遷九子山下與學署分隔一水萬曆八年知縣胡
朝因隔阻水不便改遷縣治西門外三十五年知縣
李啟元教諭余蛟以廟北向非制始徙入城

先師廟舊殿如制東西列兩廡前為戟門為櫺星門
門之外為泮池舊在櫺星門內知縣胡為門屏廟後

為明倫堂堂前為東西齋東曰進德西曰修業後為啟聖祠戟

門東為名宦祠西為鄉賢祠廟之左為大魁閣在學齋左

碑亭 尊經閣 射圃俱廢 學正宅在明倫堂西學正黃聖年重修

安陸府志

卷六

九

論曰四人中有士蓋天民之秀傑者也董以師儒訓
以經書程以考課無非防其邪僻使自納於矩度耳
官廣文者無徒曰我塞穗也微霑升斗以自活師生
云乎哉為士子者無徒曰我章縫也詡詡揚揚可以
遊宮牆肆鄉曲讀書云乎哉如是則敗風頹習漸就
振起實斯文之厚幸也